


嘉魚李氏族譜





嘉魚李氏族譜卷之五

遺文

李橘隱帥幹祭母文

嗟夫陟彼岵兮無父何怙陟彼屺兮無母何恃詩人之言至矣我生不辰幼失所怙曩罹已未厄運父母絜累避地蒲圻縣下黃溪莊所先君因病而歿士馬未寧奚暇擇地就莊舍權爲抔土之歸吾母之心慊然于茲大寶時方八歲吾母保抱携持附居舅家擇師訓導甫及成人閤族公議取吾母子歸于佛林祖廬復業躬耕不憚勞苦門戶差役田土侵爭多難膠擾百慮無煎吾則經營于外母則主持于內春蠶曉繅寒機夜織辛勤艱阻備嘗之矣身心僅安生意稍遂又值甲戌之變山潛水竄風餐露宿干戈甫定母子幸全復居故廬



丙子冬又爲大寶婚娶後以抱孫爲喜男則俾之就學女則
教之針炙愛護撫育惟恐不至十數年間比廬族處生聚教
育藹然有承平氣象吾母尤篤同胞之義歲時與舅家來往
略無間絕辛卯春嘗再歸舅家連累數月至六月偶因寒疾
切切歸問大寶卽時乘舟東下纔登正寢巫醫罔功竟爾長
往菽水之奉未盡苦塊之戚隨至痛切肝腸何及吁矣緬想
慈容掘地及泉無相見也自時厥後欲勉終大事又連遭水
災昏墊之患力弗能勝今卜宅兆于祖居之側庸取吾父母
合葬于防之義就遷先君之靈合葬焉然念吾父母始焉伉
儷同室于祖宗之宅今焉窀穸同穴于祖宗之坵生死之緣
亦皆前定豈偶然哉旣協陰陽之吉不敢徼風水之福惟欲
吾父母妥其靈於地下保我子孫之脉不絕如縷乃至願也

臨棺祝奠血淚交流言不盡情靈其鑒之尙響

李氏闔族祭省元國子學錄文

於戲李廣不侯而死兮聞者嗚咽我省吾抱李廣無雙之才
兮固當爲金馬玉堂之客天胡奪之速兮竟蒼生之望缺使
我哭之痛兮淚滴肝腸之血嗟嗟省吾竇待御之清冰寒露
周濂溪之光風霽月意氣如晴天片雲胸次猶紅鑪點雪具
黃鍾清廟之器挺翠竹蒼松之節而況學問淵源兮周情孔
章雅健兮韓筋柳骨誠我家之文龍當代之人傑方其
南宮第一族黨借光華之輝天下駭聲名之赫人
謂放
可與蘇歐而儔匹已而擢蘭臺之選進國子之
秩猶騏驥追風千里一日雖秦墳兩年而持橐亦不難於企
及奈何世道如雲之變更君子與時而消息於是厲清隱之

志袖經綸之手栗里松菊竹溪詩酒傲王侯而不事與麋鹿
而爲友旣不享軒冕之榮謂宜得期頤之壽夫何觀化一遭
遽逍遙於無何有嗟呼神清之洞烟霞渺漭乘白雲兮焉往
竊意不爲修文於地下必作玉樓於天上付吾道於滄洲蓋
文章於黃壤猶幸有仙桂之森然可以續斯文之遺響某等
一家骨肉兩地松榆雖戚疎之有閒然親義之不殊今也登
族譜之亭兮我思老蘇主義莊之田兮誰爲堯夫蒼天杳冥
兮不可呼浪濤盡人物兮可爲長吁欲嗣公之芳躅兮煎膠
續絃千載無松風怒號兮如助予之悲鳴嗟有牲在俎有酒
在壺寫衷情於一奠判生死之兩途尙饗

省吾甲戌後歸隱宋御史累聘不仕作詩辭之

會上蓬萊第一峰夕陽留住且從容夢回館閣衣冠舊春到

衡門松竹濃萬事茫茫一理貫諸儒落落六經宗從今跨鶴
黃樓外定約文簫過海東

省吾牡丹詩

花嚼鹿去泣關山回首沉香一夢間有盛有衰康節數半濃
半淡太真顏微沾曉露精神活獨殿春風態度閒富貴花誠
真富貴也須嘲咏發天慳

省吾遊九宮

帝勅天丁護九關烟蘿深鎖萬重山心香一瓣朝真牧靈藥
千春鍊太還岩峻劈開嵐霧翠泉清洗卻客塵斑人間半餉
黃梁夢爭似仙家歲月間

李恕齋訓子姪詩

吾宗奕奕以儒鳴今日雖貧莫背盟有子可令趨學校見人

言外集卷五
終是有儀刑千倉穀止一時富萬卷書藏後代名更務孜孜
求進取青雲端不負前程

續錄

東嶠詩文

皇陵陪祀有述

百僚肅肅聲趨承萬馬蕭蕭不放鳴松籟應爲清廟瑟山岡
便作備胡城始知德勝垂無極須信詩歌迄有成萬國欽心
奉湮祀春風隨處有人耕

聖駕郊天齋宿夜次顧長官韻

寮案齋居集畫堂論詩三尺喙偏長七車無復詢長乳一褐
誰將衣履常韶夏九歌音正蕩陽春一曲氣猶昌自知居大
應非易敢向先生弄短章

悼亡二首

寡言性介夙相欽笑謔無曾犯枕衾松柏愈高還愈斂平生
一句是夫箴

後圃圓如鏡前圃方如席戴畚忘饑劬櫛髮免塗澤樹株工
安排鴈鷺行比立從官未幾時高柯隱長戟物在乃人亡食
甘誰種核思君似春色枝葉深融浥

僊師山祖莊栽田次韵大崖

山墅爲防梲竹籬石田攻苦茅茨宗公敦實貽謀舊孫子

滋華食報遲髦士固從農子出自民因感

聖王知揮毫亦著扶犁手擊壤狂歌樂不支

望會鄉弟值風

門前咫尺路行難駭浪乘風欲蕩山宛轉腸迴三九畝擬隨

飛鳥過前灣

石溪頭祀橋隱祖鶴軒伯墓

二首

花草偏承雨露光
含情東望望春陽
泉通草際三行酒
風度花間一藝香
五斗折腰曾有粟
半肩掩豆却無羊
棊秤老盡溪頭石
橋隱仙風若箇長

春袍生色酒生光
松竹陰森襲艷陽
軒古鶴歸華表暮
靈源龍變石溪香
斜暉閣樹猶停馬
新雨平蕪漫牧羊
惆悵年年引清淚
杜鵑何處度聲長

寄石溪兄司教儀真書

吾宗宜碩大以世積德可恃約庵具鉅德器致顯壽位不高

躋飛不盡翰冰庵

同春號

不得沾仕祿十三叔未餽廩皆貧莫

及下壽蓋鄉多才學僅踰顏年二三且乏嗣天道人理又若

無可信哉代惟吾兄心量夷廓才氣敢達積學而未耀今居
是位養道資貧兩得其宜洙子學既達諸路趨舍不同時好
償吾兄所未足用俟耶擅易洙爲菽以白沙謂教長行當從
吏不可異洙亦堅請幸恕專望罪

大崖詩文

吾母受

勅封蓋卿弟以織金紗袍爲壽詩以寄謝

青天飛下金麒麟雲霧光騰白髮身我繞襟裾前後戲感
皇恩處却思君

寓白沙寄蓋卿弟南京

鶯花辭鄂渚荔雨對江門世味真成冷權鑪敢傍溫
爾夢耿耿共誰論早晚扶吾步羅浮月可捫

次升卿弟韻

彼此衰榮併一空
夜來急雨戰驚風
午窗忽起初晴日
宇宙無端過眼中

下莊栽禾呈諸兄弟 二首

樹綠陰低壓竹籬
山青面好闕茅茨
隔花老眼看人誤
煮石山童報飯遲
苗意懷新時雨效
人情依舊濁醪知
蓬蒿剪盡兄兼弟
賓祭年年合有支

十畝山田都漸次
數間野屋有塗茨
施爲正處勞神少
租稅先時見吏遲
容足江山如有待
候門童穉總能知
不栽溪口桃花樹
勾引來人恐莫支

寄荅會卿弟示詩

分付週遭不插籬
雲爲簾幙霧爲茨
堂堂大路容人去
稍稍

灰心得老遲元亮醉鄉同此醉叔牙知已是誰知隨身宮殿
皆堪適何許勞勞費四支

和子卿洗心亭

人間塵土無來去酒裏經綸有淺深老影中庭初不倦月光
萬里破天心

書先公遺書後

予遊羅浮挾韓文一書以隨韓文柳文朱子通鑑綱目真西
山文章正宗大學衍義事文類聚皆先公手澤也先公任訓
導於武功教諭於瑛未嘗舍此書一日不觀瑛蠻寇掠雖官
舍如入無人之境先公卒時先君子九齡以數避寇書半失
之民間先君子計得之以完先叔仕中外三十餘年嘗留意
此書既而諸兄弟皆仕進書則歸予於山林兒背亦頗能讀

之矣弟蓋卿嘗曰古人謂積書以遺子孫子孫未必能讀吾家累世讀遺書豈其然哉予曰我李居大江之南嘉魚五百有餘歲盤根於地中者深矣今皆咀其華而食其實者也可不敬愛哉可不自敬愛哉

與陳仲采書 白沙先生長子

麥君秀夫謝君伯倚二友人者來否為孤哀子者曾遣人召否不知二友者於地理術果然精通否又不知誰在扶桑浩劫之外洞見此理有否無否嘗意風水之有驗者正猶呼盧得隻偶之類耳此未暇深論但古之王者遣將跪而推轂今之使友人者如使僕夫矣夫王者以天下之安危而憂及一方故未即丘墟其社稷而遣將如此之專者愛其社稷也人子以後代之禍福干及先人謂如桴鼓影響之在目前待友

人如此之略謂之愛及先生乎卜其宅兆而安厝之門生與
子孫孰先雨崩其墓而非修之禍福與道理孰重吾高祖父
嘗假地於愛子婦翁胡氏者越二年而高祖妣下世卜葬其
旁胡氏反覆鳴官賴年歲未遠卒不能瞞當是時吾家惟以
此墓抵爲界限恐其再侵地也非求福也今七十有七年衣
冠亦頗有每術來視皆以爲吉富貴貧賤豈人力哉吾家固
窮不足道尊兄聊視粗迹亦過半矣每日相見欲復諄諄恐
無終事之功徒取斯疏之誚天之所助者順也人之所助者
信也山川鬼神豈能外此理哉千萬忖度共襄大事

貞軒詩

輓鍾狂客

洗酸亭上索歌吟十載難忘掛劍心詩卷今朝傷往事風花

滿眼惜知音人會累薦才名遠兒亦能書乎澤新珍重石翁
仙語在幽光千古賁山林

和東崙送人作縣

地本興王禁土茅邑居絕頂俯平臯坐堂兼有登進趣勸政
都忘陟降勞石壁高頭尋古篆洞天深處訪仙桃瑤琴絕調
千年在不雜銀箏與鳳槽

送雷長甫還鄉因寄意東崙大崖兩兄

鴻飛隨處自飄翩邂逅風塵亦偶然來看韶華春陌上坐談
鄉曲夜燈前天涯遠道勞相憶醉後狂歌愧浪傳花萼樓高
成五鳳歸尋雲月兩詩仙

三九詩

和

御製

欽承

聖諭寵非常萬丈龍光耀日長上與下交成至治武從文盛得
中強玉音自建中和極元酒寧同膾炙嘗何幸深山窮谷
裏賡歌也得遂明良
洪厓詩

立卿弟東軒二首

新作東軒書滿軒官閒好讀信斯言春光駘蕩風吹面夜氣
清明月在罇何處馨香迷蝶使凜然霄漢起龍孫紫金山曉
窗先覺殿閣瞳瞳仰至尊

浩浩朝宗瞰此軒由之觀海信難言江東風便通南楚膝下
情歡啓上罇門號登龍來俊傑廳容旋馬付兒孫大崖高榜

如椽筆竝駕東嶠不獨尊

追和石翁見寄兩兄之什

崖上湖邊取次歌竹枝聲遠接煙蘿沾泥帶水從今斷去馬
來牛過此多周易洗心真潔淨漁竿消日任蹉跎閒中好笑
封侯累累殺當年馬伏波

遜庵詩文

聞徵留別諸友

手捧徵書忽自疑中年行色與心違

皇明求舊雖如此老病貪榮果是非家角重來霜鬢改虎鬚曾
將夢魂飛故人勸駕毋高論襖線那堪補袞衣

新春答人有感

四十七年事

二主五千里外繫孤舟
溫尋舊業通成廢
聞語微勞更可羞
萬點寒花飄客淚
幾條弱柳繫鄉愁
匈奴右臂今重續
怕上簷邊舊日樓

修築邊城

融融春色課鋤犁
絕塞孤危強自支
獨喜連城同復日
爲逢明主中興時
澤消積雪鴻初集
簾動微風燕未知
忽報呼韓才納款
人心原不隔華夷

讀大崖詩

二首

揮毫誅盡北山茅
詩興還因酒興毫
灑灑風神秋水潔
飄飄襟袖楚雲高
非唐非宋開新局
誰毀誰譽任爾曹
晚結江門虛靜社
回看圭組一鴻毛

未結兄詩先淚流
讀罷數篇愁盡瘳
分明精爽在我目
漫有

衣冠藏古坵金石未爲千載計功名眞見一原收晨昏斟酌
黃公水舞破藤蓑樂未休

送承德克歸

守南昌時

千里間關省我疴干戈回首更風波平生懶散無官況不獨
流心媿俗多遠贈高時具引荆微吟楚些敢高歌從今跨鶴
尋五祖輩酒湖西理釣象

醫閭先生集叙

錄此以見師友淵源

予少時從伯氏世卿於大崖山中讀書至古之學者爲已大
崖慨然嘆而問曰今天下有若人乎予未能對復嘆曰白沙
陳先生公甫醫閭賀先生克恭眞其人也吾將焚舉子業從
之遊越數載還自白沙稱其緒論以爲人心通塞往來之幾

生生化化之妙有非見聞所及者必深思而自得之未易言也白沙之學以自得爲宗喫緊工夫全在涵養端居靜坐不爲私妄間隔則心虛氣靈天理流通大本立矣喜怒未發而非空萬感交集而不動會是而工夫融於仙佛殺心其費力愈勞而神愈亂不足以語道矣故其詩云吾能握其機安用窺竈編先生之學亦出陳氏在陳時聞爲已端默之旨篤信不疑謝病歸搆小齋讀書其中隨事體驗亦得其要潛心玩味杜門不出者十餘年乃見實理克塞無閒化機顯行莫非道體事事物物各具本然實理吾人之學不必求之高遠在主敬以收放心勿忘勿助循其所積本然而已以爲臣必盡其忠爲子必盡其孝推之家庭里閭間冠婚葬祭服食起居必求本然之理而力行之久久純熟心迹相應不期信

於人而人自信有邊焉。其殺賊賊者見先生即吐黃曰不忍
欺也。城中亂卒焚劫不入其坊。人扶先生往論之。衆見即羅
拜而泣曰吾父也。遂解散待罪。其所以全非盛德能至是乎。
嘗併而論之二先生之學均於焉已。自涉資實高而虛者
所得爲多。故所見高妙。至其德立道尊體認自然從容和易
不事矯飾。其所以教之者有自矣。學之者見其暮年氣象之
可親而不考其年歲自治之其力。憚深。是謂自然之
克治而欲妄效和易其不流爲放蕩者。幾希。先生性本篤實
其學主於躬行循循然自下。學始發地之卑以固其基。以廣
其業。如是而自治。如是而護人。如是而始如是。而篤實之
積光輝發越。桀黠者心服而獻誠。叛亂者醉德而革面。予昔
撫東土訪先生之門。其子知進士。士諮文行不忝所生。又

聞有老門生百戶胡深者極欲招致終匿不肯見先生之風高矣遠矣今夏士諮輩錄先生言行若詩若文若奏議共若干卷遺予於戲先生之學本不可以言語文字求今先生往矣含言語文字何以見先生之心謹序而傳之先生諱欽世爲定海人以戎籍隸遼之義州衛登成化丙戌進士任戶科給事中養疾回隱居醫閭山下克恭其字而遼人無老少貴賤至今稱醫閭先生云

嘉靖己丑八月

賜同進士出身榮祿大夫太子太保兵部尙書兼都察院右都御史侍

經筵兼提督團營軍務嘉魚李丞勛序

清明有懷寄諸姪

去歲清明上先隴烏衣十里鴈行齊月中人影兼來去馬上
鶯聲助慘懷雨露又驚佳節過松楸虛著夢魂迷繁花寸草
含遺澤分付牛羊莫踐夷

三月一日漫書

絕筆

去老無期何太促漸從齒髮到筋骸歲週花甲重新起位向
鷓班最上排童子凭肩爲拄杖稚孫迎笑弄牙牌長纓未繫
單于頸忠憤時時激壯懷

抑齋詩

階以廕入南雍及厯事遂得在三兄長秋部司中夜坐呈

兄

環佩聲閒鳥動枝滿庭清露滴清時焚香坐對三更月歛衽
長歌五字詩傳世惟堅冰槩操從兄眞樂白雲司鬱蔥玄武

湖邊樹風動江南有所思

焚香歛衽乃兄長
改易科頭拍手者

半山詩

辭廩歸家弟以詩見寄次韻答意

歸來一笑對園林不以功名繫此心
雙脚許多收孟浪二毛
莫半受侵尋番番溼雨資行潦
戀戀飛雲在故岑
田地眼前
還有好爲誰躬自去耕深

石室詩

雪中祠堂聊栽松數本誌以詩

二首

歲月人間莫厭遲
穉松終有入雲枝
休嫌我輩還多事
笑遣何人和此辭
等待鶴來堪作伴
縱無竹也不須醫
謾憑祖考陰呵護
手澤他年莫問誰

只教梅竹相爲友
那許藤蘿強附渠
處士名猶愁我欠
大夫

事好是誰餘法傳服食花開早思入吟哦月掛初不見漢時
遺令在非其類者盡誅鉏

栽施家澥祭田 二首

追遠儀文聖哲存雍雍來止率曾孫蓄畬自有同耕治木水
何人不本源嘉穀無令稊稗害一家共感

聖明恩會看萬億成高廩福祿穰穰不可言

遺後田桑靠實存不曾布被飾公孫姓名漸近三台上功業
還收五丈原先國後家爲大孝買田追養感洪恩刈葵淘米
同斟酌此事于今難具言

曾大母童夫人忌日

賸馥沾裾更丐襟年餘五十到于今周家繁祉推文母漢室
求才本鄧林生晚不承顏色在諱辰聊展菜蔬心丘園萬歲

西湖上花有清香木有陰

送四十四叔一卿赴東湖召

告別匆匆何處去清洪有簡自都臺咸嘉書舍憑誰管鄉里
兒童抱藝來供給所關都末節見聞能廣不凡才金心鍊骨
陳無已富貴隨人肯乞哀

寄呈三九叔父

觀稼高軒未扁時茅龍何日屬心知軒中老子閒無事庭下
兒郎孝且慈老去肯傳耕稼法春來同和種田詩年華愛惜
頻看鏡長使南山映睫眉

惕齋詩

莫春卽事次韻

自憐身事若飄蓬纔得晴明雨又濛無可奈何花滿地招呼

不至樹含風一年共喜青黃接幾局閑將黑白攻惟有子規
知我意送春聲斷月明中

各處丘隴祭掃寂寞樹木蕭條感而賦此 辛亥作

極盛為衰始而今衰已多將謂人情薄其於氣運何有恩光

土壤無樹鎖烟蘿後來豪傑士培植莫蹉跎

有聞寄白山弟

聞道長安小震驚傳來或恐是虛聲

國家運祚應無極胡虜兵戈豈有名已抱丹心長耿耿故教白
髮遂莖莖天涯遠道兼懷弟又向東風寄此情

匡泉詩

春宵次韻

燈花時復落殘星兀坐空堂又轉更梅透清寒窺月影竹含

新雨聽詩聲香殘金鴨烟猶裊光歛蒼龍濕欲生舜跖有幾
都未破雞聲喔喔喚誰醒

石墩詩

石觜舟歸丘壠在念

何處思亭久則忘聖經悽愴履寒霜也知世故隨多變安得
人心共一良訟決花封連柏府時移夏暑及秋涼本根培得
松楸固苗裔他年遠亦昌

鳳苞詩

懷柳陰伯祖

寄跡湖塢下怡情鶴髮中著書留枕秘種玉任枝豐勁節同
誰調清操獨自工濂溪千古道處士百年風

元日寄廣文

玉堂瞻紫蓋金鼎襲朱衣鳳舞天顏喜鸞鏘刻漏稀能臣功
奏凱聖主德爲威自有殊恩及綸音下帝扉

闔族祭文

文學先生八十六翁大成家老溘然捐館闔族哀感愚弟震
愚姪解等謹以香楮牲醴之儀致祭於靈前而誄之曰望喬
木而知爲故家觀文獻而知爲大宗夫所謂名闕華胄者非
僅以子姓之蕃也子姓蕃而賢士貴美秀有文出耀烏衣之
美麗老成可式入凜宗英之威儀故足爲一族重焉惟我大
成翁克當之翁生之年爲 神宗皇帝萬曆丙戌其科給諫
中進士入翰林次年戊子己丑光祿掇聯第風水人文一時
攸萃而翁值其盛穎異超羣生具才藻給諫光祿咸咄嗟嘆
奇以爲繼踵而取科第者必其人也顧乃童試出奇逡巡泮

水若而年賈用不售。資志以老豈其心哉。然而碩德具望在
一鄉則一鄉服之。在一家則一家敬之。其辭紛紜從容緩頰
不多言而了了。卽邑大夫咸聽其折斷焉。而戶是紛紜悉取
決焉。雍容於俎豆之間。顧盼乎棖桷之感。歲時於松秋之上
干櫓乎冰陬之守。時時備述給諫光祿之教已者。以教子姪
舉薦君趙爲戶督。仝衛王脩拜庭編輯各分宗支以成譜。此
尤功之最大。衆莫知之。先生亦不求人知也。惟解知之夫我
祠堂之名重於海內。有少保父子功在社稷。嵩崖兄弟文章
理學。開之於先名賢。繼之者班班炳炳。而給諫光祿又顯承
璀璨之故。海內聞祠堂李之名者。莫不嘖嘖交美。藉令堂構
摧頽。鍾銘烟莽。族譜不續。後將何傳。先生之慮之遠。之功之
大。其可思矣。祖居人稠。喬構新庄。蒔花釀酒。樂賓醉鄉。舉案

喙疑蕤云何其疆白日僊蛻歸彼壽藏撒手一笑其樂洋洋
獨所哀者哲人云亡後生小子於誰式莊家教日頽涕泣傍
徨三三指謫我心孔傷嗚呼痛哉尙饗

雨公撰

闔族祭張孺人文

於戲才婦行者輒稱內德內德果易稱哉賢名之夫令妻所
出戎也孝友之子慈母所由致也稽諸譜牒吾族固不乏賢
而然以今日之聞其徽者觀之則惟我孺人矣孺人鍾河
之秀句上應白雪之才而嬪始歸時諧翁先生方年少負殊
才異於不才一世視青紫如掇芥光祿公篤愛之珍之樂籠
今賣書大崖山中兄弟叔姪至自相師友時先生惟知澆火之
為樂一切家務不問也而孺人亦不以家務問之先生勤苦

倍嘗晏如也先生遨遊京華彈冠結鞞於縉紳士夫之間家
未嘗不清苦而孺人則以溫飽聞敬孝聞勤儉聞小心仁惠
聞先生坦然忘其所爲家人則讀盡天下之奇書出則交盡
天下之名賢其謂孺人成之乎非孺人成之乎且先生性嚴
正子弟憚之孺人則承之以婉順而樂育之意居多故以文
章望其子而子以文章應以德行訓其子而子以德行應弟
兄之間交相應求不私財貨不分取予一堂之上怡怡藹藹
無纖悉乖戾以遺白髮憂是一家和平之福子孫孝友之風
皆自孺人之身釀之而要非孺人不足以饗之也庸常內德
豈能同日而語哉今者拭淚陳詞匪敢云諛直欲以異日之
煌煌史乘者祭而告之以示師焉云爾

男宙震謹述

大成先生府君傳

宗有正象之型也恪敏孝孺其中葉之隆棟乎 大成翁生
神宗之盛季家運中興給練爲之堂叔勲卿爲之姨叔蕭然
邁循爭愛之燕飲咸侍炙其光矣約遜峯崖之遺風得於中
者邃矣 任孺人之遺命爲 以

綴之外訟內 艱辛不憚以云報也越三年而翁始泮雉壇
熠奕與熙賡後先勲卿萎而梁木壞矣吾祖存惕身任族綱
而翁佐之堂蠱也而幹法弛也而張墓遠也而親宗儒墓地
侵於蒲隣三年訟而直程父之案屹然也昭於後以世紛而
仍犯翁心不樂今雖稍定非初矢也 翁之勇而待翁之
來乎則有恬然以休復者後之人無忘翁初也拜亭折於風
雷舉君超爲族正而新之衡玉贊之其知人也歲事也割牲

必先禴祀蒸嘗也必躬雨霜率之少長恂恂盥相顯孚言笑
和適其無怨恫乎吾祖沒而翁爲尸正吾父雨公與叔祖
熙翁諧翁內外事悉詢度議家政不以意準理順情而和決
焉鄉隣有爭則飲醇而醒親友謀之如已事邑大夫有公事
諮焉而定居祖屋厭囂立菴於蓮塘之上松風秋月相爲往
來意致翩然矣晚徙一區以養靜茂林翠竹繞於外園墻百
花放時爛熳邀吾父與任僊翁雷元翁任元翁賞玩吟咏超
超有香山趣尹洞庭先生過其軒竟日夕談翫不去人在軍
賦倥傯之中不暇而翁獨樂自有以得也脩譜簡而核描
寫不多而筆如畫其爲時藝也不炫異采而墨色鮮鮮鬚眉
宛肖若有得於林之源教其孫猶能傳之見賢秀之子姪
愛之如已子綫之棘園餉之園菓以導其興蒨沐翁愛飫無

能顯翁猶髣髴其音容追其逸事其有不亢不隨和以正者乎是爲傳

宙集字大成號獻長早年博弟子員庠名於庭精心舉業志氣遠大生平豪俠英偉不凡歷來縣尹咸刮目視之家給諫公人情於博愛中尤專厚焉給諫存日生一子諱宙昌不幸中大幸有側室譚氏遂震而有娠彼時公其願壯祝曰天若相我俾予得再生一子越一年果如其願公心喜之尤喜於昌之母且視若掌珠及公謝世長夫人任氏常指譚子以示兄曰此吾家之承先啓後者是子也其婉詞付託如此兄極力玉成之以全公與任夫人之志而取名宙奇奇亦後備厥後除貢候選未就職而逝今其子若孫尙未艾也則給諫之厚其兄兄實有以報之矣兄壯志未遂申道恬退陶情詩酒寄

趣花竹於宅畔隙地秋築小園姚魏名種悉被掩映霞光有
摩詰網川之致晚年又以修家譜爲己任自捐筆墨延戶遂
名表其實行載其生卒彙成卷帙姪考廉兩公拜而受之以
待剗劂因而往來愈密兄嘗掃榻輒親手治具每有兼味傾
甕賦詩予亦間與其倡和其樂何如而今安所得哉兄之時
無不得焉今其孫逾白才品俱高欲表光前人而時命不偶
一日索予爲狀予思兄與予父平日爲忘形交遂不辭剪劣
記其推略以投之雖其言不足重亦可以爲異日之聞人碩
士作銘狀之採

光祿原豁除府鈔銀二十一兩及光祿過身又征此項銀兩大
成府君出身呈控 院司復豁除此項至今遵之此有大功
於六總者

姪孫正禱撰

先墓註 兼訓

自祖麗一以京邸歿輝祖之後壙墓封識宛載世牒顧其
略焉弗詳溷焉弗確或滋他族以據先士也非詳註則曷傳
其在苦竹澥者爲田孺人共四墓祖基址地上處焉轉北江
口林中爲紀一墓左鳳苞傍塋外聘軒稍上雷嫂左前光李
氏東抵聶嫂墓紀一次又爲見江毛孺人聖修伯塋外紹軒
墓上左三江右羅嫂西接榮先墳隴樹俱存嶺北余九崙任
孺人墓焉塋右大林祠先兩伯次松堅肇仙兄墓仙師山江



口坡毅二墓中處木一左江孺人右西北岍毅一夏孺人儒
學後魯家背爲明正統初簡良傑契東南抵程儒西南學後
牆北出洪硃港三充四嶺接雷界曾孺人寅向左承英右先
梅俱塋內右塋前啓陽考妣塋右上張孺人下則伯母劉進
吾配次右少洪魏孺人端揆壕次則高祖母何丙向塋右墓
祖父時祭後當祀右爲景位考妣墓轉南楚陽配陽宇何孺
人高祖少溪坤向楚陽右塋外曾祖新宇墓焉其上往東岍
柳陰洪溪兩徐孺人墓左塋外羅孺人濟宇坑下孫孺人墓
塋右蕭孺人熊孺人陳孺人暨進吾右上思江皮鄧墓下則
生男墓嶺西德有兄墓松治俸達陳孫孺人諸先墓碣誌詳
慎可考勿以昭穆故輕更也山宜栽植禁附祖父母堤南岍
傍眷次左伯母王轉東峽上曾祖母坤向父置勿附父墓劉

家山劉瑩外左側生基母葬古家背申向二契已置扞焉他

如崖山諸祖墓順男墓楊灣伯母葉墓華嚴寺前魯何二孺

人墓橫山啓生夫婦墓蔡家嶺峽上寅仲青山塘尾嶺上西

向譜載已晰噫今日所貽悉先人力也醞釀鬱蓄歷經數世

在後嗣應恪守宗祧慄慄危懼勿廢祀勿蕩棄祖業勿翦伐

封植勿鬻及墓土無毀瑩輕附先靈不妥必不汝昌其居心

宜厚塋行宜樸處家宜孝友遵理畏天有大喪務詳慎擇土

以葬祭以時其樸者務勤耕儉用秀者務疆識博聞毋滿毋

矜昔先人自六經諸子秦漢宋唐外何書不讀猶雪案宵吟

不敢曠惰輟業故其文光鉅不可撲滅後嗣果能以時命聽

天以忠孝節烈自予祖德宗功昌汝後矣

卓大纂註

秋雨舟中

魚山 縉卿

烟雨舟中客南帆滿掛秋水連天是岸雲抱柳如樓梳浪分
饑渴危風審去留一般江上趣未許虎頭收

霜降閱武

亭子高撐社稷壇朱衣黃鉞坐中看心間飛鳥皆行伍波靜
石魚豈釣磻汎日清觴霞影動鳴珂貴客馬蹄珊由來樂事
還全衆唱徹江風字字寒

中秋送友還鄂

其二

青楓葉葉帶霜飛久客何堪戀鉢衣時寓僧舍縱使慇懃留一醉
也知明月勸君歸

中秋月下對菊爲文次早見花胞賦此

菊以及時新聊得四五六花間主人忙不覺長胎肉偶然明
月夜清暉白如穀搖搖若欲言牽我之心目相對復揮毫風

輪轉不足俗殺市兒腸欄街唱絲竹以此愁秋光秋光應破
逐以此學淵明淵明真堪哭月匪塵世珍菊豈在樊鵠待曉
理池檻露貌矜初浴象蓋簇香心纍纍千百續舉手刪厥繁
誠恐傲眉蹙一顧一流連天機難再復未聞單乳生多者不咸育慇
勤庇本根癯澹尤強粥

紅衣贊

聖修

曰惟帝君星精妙化司文章命敷天之下逃稽像祀舊詣法
華賢矣遷焉位茲齋舍宇翼而嚴墀砥而夏享祀不或春秋
珪筆繫我先生博署暫假道氣冲容詞林清暇採芳掇秀爰
植柏也顏曰近帝匪無謂者玉露朝餐江霞夕射高騫鳴鳳
環旋天馬勃勃葱葱宮牆榮藉惟帝降神幹楨誕迓惟公式
訓筭班倍價種木樹人賓王師霸於論鼓鍾於樂粉社稽首

作頌永颺朝野

甲寅行

甲寅正初未聞亂沙陽政理無勤倦桃符爆竹鼓淵淵民恬
物阜猶堪羨白梅吐玉月如鈎綠柳含絲鶯乍嘯春風花圃
足招尋主敬堂前開錦宴坐客續紛皆令姿雄談瀟洒推時
彥陳遵投轄牧之豪玳瑁筵綺多婉變伶工幾部奏新聲霓
裳羽舞花絲片急管繁絃銀甲和移宮換徵檀痕遍依稀挑
曲記征東長歌壯士天山箭少年奇服耀軍容演作將軍好
顏回獨嗟優孟古衣冠一枕邯鄲人事變上元倏忽馳羽書
烽火滇南飛一線昆明池水湧鯨鯢碧雞金馬蟻穿串驟過
鐵索渡桃源常辰靖沅無堅縣堪憐血漬赭君山洞庭興浪
波濤濺誤盡蒼生盧中丞單舸急走星奔電倉皇躑躅戶寒

心役散衙堦人狀眷眼中父老盡流亡擔上兒童斲驚鷓龍
心橋畔啼夜烏魚嶽山頭巢枝燕檄守藩籬戍束薪書生豈
有綸巾扇聞道王師出禁闥新秋鐵騎來酣戰金錢百萬佐
軍供粃粃孤令難辦遣幾番獨上城南樓長嘯數聲雲不卷
山川渺渺空愁予興盡悲來雪先霰賀老琵琶不再彈何堪
別後驚重見故人有幾嘆沉淪往事綈袍多戀戀任助交情
論死生翟公門牆較貴賤噫嘻人生得失無時無長夜漫漫
心千轉

登仰高亭

其五

當年烘熱地兔麥冷秋風水壓魚溪草人呼夜渡翁身雖禪
不壞劫必火爲空到此添消息高懷託去鴻

書友人手錄袁中郎集尾

韻士翛然之別趣卽在尋常讀書處不特直造作者堂腕力
能開千峰霧拈來枯管慣生花殺盡山中無驚怖假使一字
不受知燥志輕心爲兩危石公才調本不惡草草如饑乞藜
藿丈夫作事忌雷同自成矜貴人悞索

懷友

風流賀季真思之不可得坐我黃鵠磯意氣空南北奮筆爲
功名鬚髮半白黑有酒酒當醉醉罷弄烟墨踢翻鸚鵡洲滿
堂皆動色不倦看山眼天下罕遺國何時一相見橫洗胸中
塞

霍雲先生祀受澥觜祖墳詩

圭田我李舊家風竭力染盛樂歲豐墓有東西人不異宮分
南北氣相同酒如泉水花如景人似神仙馬似龍仁厚鍾英

今亦古光前肯不自先公

又

天地回春理復元人心應與理常存
恩光隴上堪千載山水江南此一門
三獻淡中將孝敬九泉深處想根源
一官尤冷歸來樂培植松楸蔭後昆

烏石祀墳值風雨詩

破浪扁舟東過湖衰年荒徑藉肩輿
木高塚上風何急食餒寒食雨正濡
玄酒清清流沉壑紅香點點滴襟裾
先君常詠衣鞋濕澤至于今覺有餘

祀范公園詩

五年瞻掃忽相違萬里懷思只此歸
九曲清流魚共躍一雙華表鶴來飛
崙崖手植松如畫墳墓山頭樹作衣
分付兒孫

知此意人心山木兩相依

皇明天啟六年歲在丙寅又六月二十四日

南宇府君臨終遺命

人生天地未終親養蓼莪悲哀萬古悽涼予不肖子兄若
是也予以嘉靖三十六年丁未歲生父之得子在三十一
外可謂遲矣至十年而母亡僅二十而父亡父母生我
身未終一日之養其傷心當何如耶吾父存日極力勉
予止考童生一次而父遂終孤不忍忘父之命惟熒熒
疾而苦心讀書晝則訓蒙夜則作文看書至萬曆辛卯
入學亦僥倖科舉三次學疎命拙止補一增亦何益其實
用何以慰父母之心哉吾父存日止結醜不肖一人
皆我與之同心協力各各完配屋宇田地雖不甚多亦同

心爲之創立予平生所教一弟得入學者幾數十人所得俸金盡以入公當家分毫不入私囊惟欲撐持此家不墜父母遺命此予自然之真心也予平生無善行惟是平生作秀才三十餘年作族司正二十餘年並無片紙隻字具呈在官亦無舉足左右害人心術至於麗二教諭貞軒諸祖太清幼泉之入祠名處墳山之開墓道祠堂之重修通族之清丁糧予與玉虛諸姪等對祖對天任怨任勞分毫升合全無占染此皆自然之真心也天地祖宗實共鑒臨至萬曆甲寅年發心長素此豈妄徼福果也哉予思父母早喪上而祖上而曾祖下而堂兄弟輩多以五十而喪予獨此長年至七十餘矣終日飲酒食肉貪變世緣何以謝天地報父母雪山岳之重罪哉因而持素禮佛良有以

也予歿之後兒孫輩燃香燭以謝佛祖行家禮以瘞我身
切莫殺生害命以欸弔客敲鑼擊鼓以張華宴夫我長齋
數十年一旦破我之齋付之流水子孫之罪亦我之罪也
蓋不殺生置酒則難爲客必欲殺生置酒則難爲齋與其
得罪佛祖不若得罪諸親也泣血拜辭不受弔禮此至當
不易之論見我親筆如見我身兒孫謹識如無恤之簡可
也自今以後爲兒孫者能耕則耕能讀則讀能持齋者則
持齋爲人涉世只是積善惟勤惟儉惟忍惟讓重祖宗重
尊長重兄弟重鄉隣吾族家範聖朝明諭尊而行之 所
厚望於賢子孫者昔陶潛預爲祭文杜牧自爲墓誌非過
計也爲實錄也此皆治命皆善言萬萬奉行一一恪守毋
自己廢墜毋因人撓阻此便是孝子慈孫予雖死猶生也

諸不盡言聊以傳後

孫宙覺謹述

歲暮歸竹林庄舊居幼泉公

可憐桑梓在歸客獨依依應貸分瓶粟欲沾典笥衣顏垣兵後
圻老樹雪中稀何必愁生事春風長蕨薇

重八弟移居米埠二首

髯尔新卜築先朝給事庄家風存傲骨世態往剛腸把酒臨松
竹開軒俯稻梁一燈千卷夜應更夢蘭香

莫以繩樞陋先人此菟裘深山饒筍蕨佳氣滿松楸細雨隣家
酒輕風佑客舟大崖看咫尺一屐幾回遊

牛首山訪從弟懷虛新居

何時成小築松竹滿前谿山色回牛首湖光傍馬蹄白眉首似
玉黃目拚如泥興發催詩句何妨夕照低

何哉霄漢士尙尔寄幽棲隴樹高低合溪雲咫尺迷紫霞晴采
蕨絳帳夜狀藜魚躍遙堪折重來尙醉題

山庄晚歸思先孺人

山路石磷磷黃昏草樹春如柴祗病骨刻木轉傷神口澤遺杯
在啼痕着袖新荆扉遙入望似有尙門人

從兄景周訪予建業

孤帆破浪大江湄池草於今慰夢思官舍清貧先世舊帝城佳
麗六朝遺謾談中室興亡事醉誦傳家倡和詩且別未須嗟後
會倦遊應有卜居期

送宙遜姪應試

負笈平生幾壯遊金陵千古擅皇都山蟠龍虎擎天峭江擁樓
臺動地浮帝闕春光回衫筆海門雪色上征衣知君早抱凌霄

氣行矣騰騫正及秋

送兄足吾司訓黃梅

陵陽往事不須嗟
次第君恩未有涯
敢謂儒紳非報國
應知經術自傳家
楚天回首魚書遠
燕塞驚心鴈字斜
別去依依長枕夜
可能無夢到京華

誕晨早朝漫賦

隙駒如夢客愁多
四十無間奈愧何
縱有微名依日月
終知傲骨隱烟波
天邊玉露沈寒夜
馬首金莖落曉河
逝水年光何足問
獨慚多病負鳴珂

入上海縣境五首錄其首章附後

百感交心靜處多
秋聲其奈行風何
瀟湘遠引三千里
舟楫淹留九十過
大境細詢民病痛
閒情終繫舊烟蘿
鷗羣海上時全

沈莫遣機聲畏蔚羅

昔屆秋仲纜解魚山洲老白蘋樓寒黃鶴名驚大別帆指
小孤琵琶弦聲蓬掩潯陽之暮雨江山作態棹開采石之
晴霞月上秦淮潮迴甘露邗溝柳悴瓜步烟昏曾日月之
幾何覺風景之頓異矧憶十年之舊侶復悼千里之遐征
未免有情曷能不淚另買舟於京口思飲水於惠泉冥逐
王鷗羣迅達鶴澗無路尋姑蘇之麋鹿棘蔓高臺有懷煮松
江之蓴鱸瀾飛大海迴眺沅沘黯矣客心遙望楓林悲哉
秋氣愁病劇矣感慨係之甫入上海之疆旋憇龍華之刹僧
無四壁難堪蕭蕭客有雙瞳直覺炯炯佛燈映水塔鈴傳風
用滌煩襟兼蘇病骨離騷且置短几酒帘莫問前村紀以
七言抒此三嘆

登大崖寺懷世卿伯祖

情詩二首

煙光藹藹擁禪房為帶前賢翰墨香
曲徑春回花自媚大崖人去恨偏長
洞開石室名千古橋渡江門酒一觴
欲叩空王無是處登臨祇擬挹流芳

鄉飲邑侯以介賓召賦此奉謝

王道從何易嚴凝氣已宣
政成歌樂只德薄愧初筵
未著龍光望那堪湛露傳
循良兼濟美應觀治平平

同雨公謁十世祖橘隱府君次韻

宙震詩五首

棋敲古橘瑣雲煙局竟龍飛五百年
遺跡渾忘空澗軸望風懷不挽
溪船洞庭寄語應常應仙李傳
燈燃復燃漆燭長明人未曉
泉源混混自流連

重遊大崖寺省先嚴讀書處

重遊大崖寺省先嚴讀書處

向來亦似未經過今復登臨
泪眼魔遊子不堪循步武老僧
偏喜說檀那江門幾向峯頭望
山隰常從月下歌此日書堂
空翰藻大崖風起憾人多

次雨公受壠獨桂

玉樹非凡品一枝先壠開
九天深雨露萬古篤根荄
秀毓松地靈鍾仙李才秋香留不盡
佑啟後人培

已未暮秋臨試謝庠

甚矣年來罹百憂羞將步武逐英流
青雲有路誰甘退白髮
無情應自休式穀難如先子願箕裘
率聽後人脩居同楊子
門無客徙倚孤軒風月儔

題影

呵這丹青爲我寫其真真從何處寫
寫從何處真有時爲河

五石齋

三

嶽有時爲星辰真不在相貌切勿錯認人我今指出示兒孫
爲我守着這點真不須眷戀此頑身不須眷戀此頑身

衡玉先生世祀堂春祭有感

詩二首

世祀堂堂列考攢鏘鏘磬管徹松寒靈承厥旅排山嶽染翰
飛香襯雨蘭四序蒸嘗增感悼一天雨露自驚殘永言不匱
孝思矣春到人間景物繁

清明五分約祀西庄受澥僅來數人感賦

黃鳥枝頭岑墓咻清明待曉白雲浮棘荆蓬倒千秋榦蘋藻
粗陳兩地幽有約不來孫子笑無心將動鬼神愁芳辰寂寞
心猶醉湖水悠悠任北流

巨封先生詩三首

清明祭感

喬木鶯聲愛日和百花發盡甚婀娜
踏香蝴蝶游魂斷啼
杜鵑染淚過路畔還生
茅與菲園林猶見蔚
連我來瞻荒塚
春時色雨露濡懷傷處多

花朝

老身作人
夕時
金樽盡有何知清風淡戶頻誰問曹

張眸
雞唱
五更
賦夢鶯來百囀入新詩
夕逢

春允
舊日
林
不徒別

也思屠蘇誰
無錢許我沽試問君家堪一酌未

以操

巨
詩

不應
感

屈指浮一小窗檢舊琴書龍門躍鯉千層奮月窟
鸞蟾兩度虛風雨同明悲心舛糟糠勵我笑才疎此日賓興
堪題賦只恐朱衣別點頭

佛

兩居切莫近湖濱物色一橫總不純魚鱉掀翻波刺耳楊
身反態嫌人

丁丑歲總修族譜因作續譜吟四首

正上撰

派衍鬱林世澤長支分南楚遍瀟湘搜尋舊牒漏遺遠續補
刊編收錄詳多信前賢無謬筆聯合宗族有程章從來繼述
窺先志豈漫增修不自量

已卯歲秋分後譜成告祖

功堪告格却無言型典昭昭星日懸列祖英靈帝左右曾孫

忱感庭周旋艱辛數載懷先澤纂集大成綿世傳從此蒸嘗
勿替祀流光仙李燦南天
古九日來青蓮庵
登高四顧豁眉睚歛盡浮雲普日光七政經天分度熟三秋
司令歲功忙呼朋載酒遺懷遠對景狂歌逸興長緩步禪林
權養靜人來催賞菊花黃

新秋送儀班弟之穀城
悵望飛帆片葉過相逢其奈別離何秋江萬里烟波濶到處
平沙一放歌
男光先敬刊

辛巳歲秋月瑞班伯譜事告竣誌慶
光德

族渙應思萃皇皇續譜人一肩擔烈祖全力負傳薪寒暑三
年事憂勤五夜神略詳衷漢史褒貶倣前人架集珠光燦函

開玉葉新芝蘭香郁郁
洛寶麟麟際會風雲近
流傳德澤真山高并水遠芳名永不泯

又

恕光

成功臨八月瘁力亘三春
瑞衍鬱林遠根尋璿祖真
鴻圖述不作鳩集漏而詢
萬派俱宗海象星共拱辰
書傳千古信譜得一家論
銀月照圖畫金風拂版塵
登庠名已雋收族德何磷
烈烈成先緒恢恢啟後人

又

覲光

應憐族渙久鳩集正皇皇
螽蟄類周代柯條仍李唐
沙陽千古麗玉版一時光
非種鋤而去同根護欲長
立元諸派會少保舊規楊
精神聯遠近勲業歷星霜
繩祖心彌瘁克家志自強
功成無別祝奕世卜榮昌

強功成無別祝奕世卜榮昌

懷邨別號傳

先生諱玉大字瑞班號懷邨曷取義於懷邨也因令大父考授文林郎諱占括公者不欲仕家食終老志浹州流曾於邑西北隅與漢郡接壤處市隰野數百畝以爲散適之地春可耕而夏可漁無崇山幽谷窘人達觀曠步亦宇宙遺賢處士之別宇也厥翁大人巨封府君戀其居而往遷之其里名懷三室成於沙港邨以前此懷與邨先生所由並取以命名也推其心其或時臨清流懷賦詩以鳴志遙指帆牆懷隨機以應變歟抑亦懷衣錦還故念切祖宗邱墓之鄉覩簪纓之遺興懷子孫弓冶之紹歟其或曠懷以寄傲公懷以處世歟抑亦凜凜懷德懷刑之難忘兢兢懷惠懷土之必戒歟朝覲其生平學足青湘而氣愈下廣智多謀而神益歛能飲

而不亂善詩而不喜豪放分鸞迨十祀而守義益堅臨大事而從容應之不少屈撓遇鄉之耕夫童子不作聲色故其在異域人咸以大方家卿祭酒推重之其子弟之秀良多從之遊而宗族之稱述則久已兩耳如填矣非時有所懷於中者而能若是乎古人謂身在江湖而心在魏闕者也彼沙邨何足以寓懷焉是爲傳

乾隆乙卯仲秋月中浣

愚姪光朝用昭謹撰

補遺詩文

雨山書室

一韻十首僅錄其一

太清

七首

眼高天地萬山空占斷江南第一峯太乙夜分藜杖火東皇春報杏花紅論文樽酒憑誰共入夢雲霄到處通霖雨蒼生須此日蛟龍應不久池中

中秋夜作

戰罷文場筆陣收，客邊不覺遇中秋。
月明銀漢三千里，人醉金風十二樓。
竹葉色添才子氣，桂花香插少年頭。
今宵的與嫦娥約，明日蟾宮任我遊。

中秋夜遊黃公山釣臺

咫尺黃公舊釣臺，望如弱水隔蓬萊。
乘風夜爲中秋至，得月雲從赤壁開。
堂聚德星占太史，酒同甘露進仙杯。
人生奇會千秋少，獨媿蘇公兩賦才。

選入翰林院時作

玉殿雲光滿金門，曙色新九天。
御

帝詔四海集羣英，星斗唵邊落風雲。
筆下生小臣，何所獻

聖學願嘗親

題正氣樓

正氣樓開海岳收字驚華袞耀千秋生逢明盛毫無補身處
江湖更有憂請劍不聞天上語飛雲空見日邊浮何人共遣
登臨興高視雄談隘九州

廷杖歸里

皇恩浩蕩賜生還宮闕依然夢想間自信愚臣非賣直寧知天
子不開顏清時共慶雲龍會傲骨空隨海鶴閒但願故人同
努力何妨綺季老商山

紫霞觀

白雲深處啟元關曾住真人鍊大還萬里江山聊縱目百年
天地幾開顏重重綠蔭烟中樹點點青來雨後山欲向紫霞
高結屋清平應許外臣閒

大隱樓和方司馬韻

一代勲名仰巨儒歸來尚喜玩琴書樓題大隱雲環座詩入
仙園水到渠破膽舊驚韓相國揮毫新壓李金吾天王指日
承清問曾見籌邊國老無

前題

覺吾

三朝經濟羨通儒歸隱樓成榜大書地廠江湖明畫錦廉開
沙鳥賦春渠韜藏龍虎閒揮翰客有羊求喜到吾况荷主恩
深注念江城氣色百年無

淨保寺牡丹

遜庵 二首

不到禪林十八年石藏金像故依然經無貝葉傳空偈砌有
名花識妙緣幻跡人皆驚懶狗真機誰解繫靈猿浮生尚覺
迷途遠欲借毫光照大千

大崖山寺

一別青山三十年重來風景尚依然
蕭蕭木葉全迷逕滾滾溪聲直到筵
松影婆娑教崔地菊花爛熳欲霜天
同遊更遇同年契綠酒更深困老拳

前題

大崖二首

藤蘿之外是諸天寂靜中間息萬緣
千古江山真有待十年踪跡最堪憐
狡狴呈瑞來西極鳳鳥忘機別醴泉
曾到去來無物我便教糞壤亦芝田

赤壁

一聲歌動白雲秋何處官舟並釣舟
老我不曾關世事離人真得與天遊
頭無白髮三千丈腹有精黃一兩甌
終古興亡誰記省聊將吟弄此悠悠

大崖山寺

出泉一首

水雲三載滯尋真，燕懶鶯慵笑此身。
有酒可邀伶碧草，無詩那忍負青春。
一迴豈識西方聖，幾見曾揚東海塵。
臥起龍吟風雨後，扶桑引領看垂論。

白湖寺

兩湖二首

勝概都收萬頃湖，晴光倒影白雲孤。
也知清況人間少，自覺豪華眼底無。
參破元關開曉鏡，滿斟白水壽皇圖。
揮毫驚燭三千丈，誰道溪南日已晡。

白雲山紫霞觀同給諫姪沂

君不見太史文何奇，曾探禹穴登會稽。
又不見青蓮居士氣，何逸朝遊金陵暮。
采石天生才俊世，無羣飛馳入極晴。
空雲胸蟠蛟龍吐，風雨眼高海嶽如。
蠅蟻吾家長公嗜，奇羨颯輪

同昇紫霞觀神草玆花莫辨名遠峰近岑皆覆翫
天爲隣半日俱爲天上人北斗低徊爲斟酌醉裏襟懷如初
春嗟哉醯雞不出甕浮雲過眼知何用誰將洗筆紀名山喚
醒乾坤一大夢請君聽我歌冲霄摩漢典如何腰間佩有雙
龍劍斬斷華衡光不磨

全郭江兩師南城觀漲

二首

宙復

睥睨遙遙作障隄湖濬江岸一天迷怪松幾樹掠雲立比屋
千隣貼水低孤艇遠浮烟雨外明霞高結海門西行來峻嶺
攀星極謝眺驚人句已携

橫江崩浪嚙金隄泛宅浮家路已迷嫋嫋危橋人影斷蕭蕭
遙隴雁行低射潮無復天山北填海難回若木西幸有仁侯
勤乳哺嬰雛歲歲得提携

出泉

白雲山

雨公一首

青雲高隱楚天宮
湘水衡山一望中
渺渺孤帆浮遠樹
冥冥雙眼送飛鴻
氣吞天地名何用
景寫江湖句自工
不與紫微談北極
誰知李白有仙風

大崖配祀周夫子書院

巡按湖廣監察御史史

爲獎勵名賢以隆正教事查得嘉魚

李世卿才蘊今古學貫天人接濂洛關閩之真傳演洙泗源流之正派今久仙逝與論弭彰除行提學道外仰武昌府置立神主安祀濂溪書院大彰鼓樂外立扁賜冢孫第本院外給贖銀六兩以爲賢子孫紙筆之資仍取回秩回報繳

附傳

麗一分姑媳雙節呈請旌表建坊事

湖廣武昌府嘉魚縣儒學爲姑貞媳節懇賜詳

題以廣

皇仁以昭閨化事據士民李明行李正常等蓋聞勁節凌霜斜
月穿吳婦之榻冰心映日懷清表已女之台自古懿範堪
追至今芳型維烈願一死能全素履無子之婦相遭則宜
再醮恐污清操豐財之家自持猶易從未有節已全乎松
柏矢志獨專孝無改於藿藜操行至苦如儒士李巍大之
妻王氏與其媳儒士李擣光之妻楊氏者也伏見王氏淑
德天成貞芳性凜十八執其帚孝敬克宜爾室家廿一誕
嬰兒教訓無虧於胎胚胡乃妾真命薄夫實數奇歎逝良
人于歸方七年而鏡破哀餘少婦生辰甫念三而鸞孤將

人子歸方七年而鏡破哀餘少婦生辰甫念三而鸞孤將

惟之死以同歸恨不相從地下乃痛所天之旣殞猶難脫
去黃泉仰瞻高堂誰是養生送死俯懷弱息孰代推食解
衣因而矢死靡他爰是相依爲命一家窮似乞惟以紡績
佐幃燈四壁冷如冰每見家常甘畫粥詎命逢百舛復時
際多窮舅姑繼淪亡在貧女何堪此境遺嗣更夭折豈昊
天獨阨斯人誠足傷哉畫荻竟無歐子報真愈苦矣陳情
還望李孫賢勵節六十七年盤錯萬端克全四世現年八
十九歲艱辛百出可告九原前此來絹荷

聖恩已徵其壽今日旌揚希

特典應得其名又伏見其媳楊氏心本如石志切從姑義可剖
心救夫曾自刳肉情甘同穴絕命竟欲抽刀乃致孝節哀
庭內原有家教因酌夫撫子閨中再見風規向非姑貞媳

無以有今日今非媳節姑無以終餘年姑也將享期頤非
養志無愆胡稱壽母子也俱能成立匪和丸有教奚出人
羣六十有九之勤勞老而未倦四十有六之搵守窮且益
堅生等譜竊族宗實係目覩居連里黨匪但耳聞凜凜氣
塞乾坤剛風不泯皎皎光爭日月大義當昭伏惟
師台念正氣之獨存俯直道之斯在申詳轉請克廣

皇仁錄節表貞用彰母德庶精金白玉不致光歿於蓬蒿而浩
氣孤踪可香飄於青史矣等情到學據此看得儒士李魏
大之妻王氏心堅白璧操凜青松早年遽失所天勤紡績
於寒暑中道更推伊子嚮飯膳於翁姑喪盡禮而愈盡哀
樹染鵲啼之血日哭夫而兼哭子草枯鹿斷之腸八十九
年實寒霜歷盡六十七歲堪寶婺爭光又看得其媳楊氏

芳年矢節皓首從姑刳肉救夫君不減刳心之痛揀米供
姑饑何殊負米之勞素手持家備嘗茶苦青燈課子遠紹書
書香此真節孝一家實有裨於名教傳流千載允不玷於
倫常既協輿情宜申衆請合將節婦事實冊結具文牒移
請煩

父臺加結轉申施行須至牒者

嘉魚縣爲姑貞媳節懇賜詳

題以廣

皇仁以昭閭化事本年四月十七日准儒學牒前事牒稱據士
民李明行李正常等蓋聞勁節凌霜斜月穿吳婦之榻冰
心映日懷清表已女之台自古懿範堪追至今芳型維烈
云等因准此該
查看得已故儒士李巍大之妻王

氏早年茹苦畢世含酸廿五亡夫上奉白髮之雙親已乏
仲昆可託四七喪子下撫黃口之孤孫惟予寡媳相依四
壁蕭條時甘凍餒孤幃閒寂日凜綱常既孝義之兼全更
脆窮之堪憫應請建坊以昭鉅典至其媳楊氏幼嫻姆教
長秉節貞刳肉救夫痛更生之無望和丸訓子幸繼嗣之
有人節以窮彰搯因苦顯應請匾以示加獎 茲准儒學
造具事實冊結前來 覆查無異理合加粘印結具文
詳請
憲台俯賜查核轉請

題

旌除申

撫部院
督部堂
暨

藩憲外爲此條由另冊申乞

照詳施行

雙節事實冊

湖廣武昌府嘉魚縣儒學爲欽奉

恩詔事今將本邑現存節婦李魏大之妻王氏生平歷行事實
逐一開造清冊呈送

查核施行須至冊者

今開

一節婦王氏父王克勳母魏氏氏生於康熙十年十一月初
三日康熙二十八年適已故儒士李魏大爲妻氏年十九
歲於康熙三十二年十一月二十四日夫亡氏年二十三
歲現年八十九歲守節六十七年矍鑠自如
一節婦王氏自二十一歲夫患弱疾氏日不暇食夜不解帶

持奉湯藥三載心力俱瘁

一節婦王氏翁李正錦姑吳氏僅生氏夫李巍大夫歿之日氏欲以身殉因翁姑年俱已六十且以獨子既喪無可倚託遂柏舟矢志王氏携遺孩朝夕左右奉養毋違后翁姑年逾七十相繼而歿王氏葬祖壠盡誠盡禮鄉里稱孝一節婦王氏家素貧寒並無祖遺產業日夜紡績度日至於翁姑所心嗜之物必極力設辦先意承志自身或一日一食兩日一殮至今鄉里猶共憫惻

一節婦王氏止生一子李撫光夫歿之日年方三歲氏撫養教誨積學有待不幸年方二十四歲而逝王氏苦節危而愈危

一節婦王氏壽屆八十於乾隆十六年恭逢

覃恩賜絹一疋米一石

湖廣武昌府嘉魚縣儒學爲欽奉

恩詔事今將本邑現存節婦李撫光之妻楊氏生平歷行事實
逐一開造清冊呈送

查核施行須至冊者

今開

一節婦楊氏父生員楊士英母周氏氏生於康熙三十年八
月初九日康熙四十七年適已故儒士李撫光爲妻氏年
十八歲於康熙五十三年十月初十日夫亡氏年二十四
歲現年六十九歲守節四十六年

一節婦楊氏自適李提甕出汲不辭辛勤勸夫力學敬戒無
違夫病之日割肉相救痛死兩日始甦夫歿之日絕糧七

晝逝以死殉時楊氏現有兩子長明倫次明修后生子明
佳此時尚在腹內時姑王氏携孫明倫明修謂楊氏曰尔
有我在且孤子尚幼務必如我氏回顧姑言遂全柏舟自
矢

一節婦楊氏居貧食約與姑王氏俱事紡績及姑年老氏勸
姑休息一身獨任以供姑膳時姑年九十乏齒每於粒食
必經手揀肴必手烹務極軟滑俾無哽噎不減崔唐乳姑
之風鄉族共稱孝焉

一節婦楊氏生子三與姑王氏同志撫養教誨令其力學以
繩祖武后因家貧不能卒業改志貿易今雖大志未遂一
堂兄友弟恭家產雖初寒素規言矩行進退允無違碍且
子復生子孫又生孫目今八孫林林就傅攻業俱卓有家

駒之望是皆王氏楊氏教養之力苦節之報也

董塘山讞案

具呈嘉魚縣廕生李正家 為毀旌坊掘封禁禱勘親劄事

生 嫡祖少保李承勛諡康惠歿蒙

諭藩憲捐庫帑銀四十二兩置董塘山

御葬遣禮工二部親詣造塋建坊

御劄誥譜印契批呈叠據 華表森然毫無敢犯慘遭豪棍陳

文升於上八月掘封禁平基豎樓毀牌坊埋立牆脚 生 覺奔

看僅獲毀運旌題餘塊交彼地甲鄰石緒遠等証 生 控縣豪

恃居嘉蒲混雜縣法莫制 生 卽嚙

臬憲暨前憲俱蒙批毀占果實赴縣呈究 生 卽凜批屢控縣

主蒲則推嘉嘉則推蒲互相推諉棍悍愈熾墓前反作糞窖

禁土又遭侵伐眞正鬼哭人號寃沉黑海竊

御葬誥塚律重常塚毀占旌坊

皇恩枉沐可憐縣主不惟不理反生嗔怒生式微宦裔何敢冒

瀆只得哭懇

青天垂念功臣 誥塚俯賜親究庶 憲恩與

皇恩並垂不朽上告

計開陳文升

毀旌掘

黃伯祥

主使

周鑰

菴孫衡廷李上九

俱係

石緒遠

隣甲

乾隆二年十月初三日奉

府憲吳大老爺批 仰嘉魚縣查勘報

青天張太父師金看

審看得嘉人李正家控告蒲人陳文升毀坊掘禁一案緣前
明嘉靖九年兵部尙書李公歿於京都秩晉太子少保

謚

謚康惠差員造塋動帑買土有蒲邑董塘山卜葬於此豎立石坊華表巍然翁仲排列前明派丁守護迄我

盛朝亦數十年無人敢犯誠培植名臣之至理也乃至康熙五十年間有不肖看坟子孫李仲儒及子李孟曾將坟右邊禁土出賣單用謙張正吉畢衡王經嫡裔李正家之父叔控縣退還此陳文升父子所目擊者也何至康熙五十八年文升父子即向孟曾之子李至安李頤安商謀私買不與嫡裔正家通知擅自開挖禁土豎造房屋殊屬藐然無怪乎李正家之迫切上控

憲轅也

甲職

奉

批親勘青石旌坊石人石馬俱皆倒地有

半存者有全毀者令人惻然不忍視上下左三面餘禁寬厰無恙獨右畔人煙雜遝屋近墓前土開塚後牛羊踐踏猪狗

蹂躪污水窟其傍糞土堆其上雖庶人墓塋亦不當如此况
先朝宮保大臣慢褻一至此也雖李姓不肖子孫所爲亦彼地
居民之不法所致也賣者買者惡得無罪所侵禁土理應退
還以培佳城盜買盜賣地價無庸追給况至安已死頤安外
出亦無可着追但查丈侵地橫長三十四弓直長二十六弓
計造住屋二十二間新舊不一雖非磚砌大屋若令一時折
毀瓦木人工不無所費擬令暫行寄居嚴禁坟前污濁容俟
住屋傾頽各自搬移不許再造以十年爲率基址陸續退出
着李正家管業禁蓄栽培 祖壠庶上下左右均齊方正而
一代之名墳常存不朽矣其倒榻之旌坊等物歷年已久難
以責議之陳人門前檢石亦無確証無庸議置是否允協卑職
未敢擅便理合粘連原奉 批詞具文詳請

憲台核奪批示遵行

乾隆三年三月十八日詳奉

武昌府吳大老爺金批

據詳前尙書李康惠公坟地先曾出賣覃姓被控退還陳文升父子目擊其爭乃復勾通李頤安等盜買盜賣擅造房屋藐法已極該縣議俟房屋傾頽搬移限以十年必致延展滋事殊屬狗縱仰卽嚴押陳文升將佔造房屋速行折移清出禁土給還李正豕禁蓄培護限一月內取各遵依領狀報查至盜買地價合畱入官俟李頤安回日追繳報充公用均勿違延

乾隆三年四月初七日繳

谷棗嶺墓地記

古葭川管下谷里坐落障山官路旁有地曰谷菜嶺者予族
六世祖必東府君墓也其同塋則府君配孔孺人墓暨府君
弟解元諱源公墓也何記乎記墓地也墓地何記乎記剝復
也粵稽府君葬以南宋紹興時甲第蟬聯有祖解元伯嘉進
士伯殊會元大同進士大元爲府君曾孫玄孫嘗表府君墓
遺礎特巨封禁之特嚴可勿問者降及元明仕宦不替自十
三世祖仲祥登明經至二十世祖蒲泉官大使中間傳六七
代累官顯要皆能爲府君永貽謀越萬曆丈量該地連略山
庄猶隸吾族版籍樂哉斯邱抑亦可勿問者惟明季中微我
族人業復守其菑廬又遠於基而開我阡陌者犯我坵壠日
侵月削剝落則有不堪目擊者嗟呼狐死正坵首不忘本也
烏有仁人孝子而忍忘其祖乎國朝來先達或仕或處皆深

啣之而卒苦清復之無徵已乃先嚴暨諸前輩始有轉買培植之議又惜未逮志而逝泪癸酉春我伯氏北溟族長輝仕復舉是議商各捐資爲宗人倡商妥屬予附驥尾余勉諾焉乃共捐金五十餘買環墓地者田六處畝積一斗四升稅其契割其米且定其界抵墓地傍北官路外田一邊中寬二丈象月圓定界傍東田一節傍南坎下田二截傍西南坎下田角一截俱以橫塍定界傍西田則一坵置此六處爲府君培植墓地夫乃稍卽歸復者抑我東西上大四房公議現將太平上白湖湖魚每年典爲府君祭需存餘以廣祀產再餘以廣栽培再餘以廣興學助賢之資議成約就井井有規行已兩載是又不難恢復先緒者所貴有其舉之莫或廢也則恢之彌廣培之彌深詩史所云仙李盤根大猗蘭奕葉光將

復驗矣安在將來之科甲勛名不有如我宋元來之烈祖人
人對揚天子休命哉余蓋每食必祝宗人者故不禁詳其始
末而爲之記且綴之以圖云

嘉慶二十年季冬月上浣舉成均弟子員廿八世孫之鳳識

萊嶺祭田碑

嗣孫純謹記曰

昔先聖以孝教天下追遠報本天子庶人貴賤一也余

祖祚肇唐王鬱林更朝改物卜世蓋二十有七衍及

大明又經三百載於茲矣近迹雖微而先鬼則或執灌獻者

有之或薦蘋蘩者有之夫非盡人之子歟何不能一踵其芳

而揚其美也因與伯叔兄弟歛資若干金買姪弘鼎史家下

多呼范

田地山場一段載正米四斗八升五合歲取租課以

家邊

爲祖堂祭需每年除祭外所有餘資貯積以待公用不許爲首者尅減此雖未足以報祖德之萬一亦庶幾展仁孝之微忱矣因勒之石以憑遵守

一每年擇祭田有分正直人管租管祭置簿一本載租課支銷存餘交下手以便稽察

一祭日定於春秋二分日

今定以秋分日

凡在庄居者亦要味爽

集齊承祭不到者有罰

一享祭蓋以存燕毛序齒之意不許議論私事恐爲酒亂

一每年租谷十六石麥租四石課銀一兩

今租課俱增如舊

一本田紅契等約弘人收執

再下條列買田分法承祭儀制及享祭體段俱晰茲不

悉錄

崇禎十六年癸未十一月初六日立

勉成公心範廻文圖記

歲丙午仲冬偶閱譚公詩法言蘇蕙廻文甚佳發篋披讀縱橫各二十九行八百四十一字得詩三千七百五十二首其辭悲感其情哀傷彼固因不得志於其夫竇焯而作也予也父去二十八載母逝二十六年風木遺恨明法有懷幸昆弟恭誦父書數卷遵恪母訓幾條期型夷舜之仁循覽津之義和樂且孺以慰九原更思以父母之身推乾坤之德上而事君君德同乎堯禹下而爲臣臣勲等乎周伊再四籌度而是圖始成其以七爲行者取七政七情之義大衍之數五十其用四十有九而字之數準焉其圖有太和有原本有定位有則古交成有星列參伍有虛靈實踐永賴環拱有切近捍衛

經界對峙應中連枝并疆有喜起同德璧合珠連周規折矩
謹畏清間莊嚴關照等或逐字順倒成文或牽搭增減一二
字成文迴體之正宗也或改圖隔字成文或四圍流通曲折
重疊成文迴體之變格內有兩言三言四言五六七言不拘
平仄粘韻祇以意義聯屬爲主共詩二千六百餘首較璇幾
爲簡然擴而充之有終身行之不盡後世味之常新者爰呵
筆硯謹誌存養樓頭

心 德理禹昆型持仁

太 修堯明敬榮夷泰

範 法身欽父輔勤舜

和 君成乾心坤寅臣

總 持尊守母忻民式

圖 教覽倫愛寧周保

圖 義重循弟伊國勲


心範太和圖詩

君臣勲德輔乾坤弟義昆仁父母榮堯禹周伊寅式法覽津夷

舜敬型循身尊教重民欽愛理守倫明國泰寧勤修持傑忻成

憲燕昌心範在廻文

父母乾坤敬愛循君臣昆弟德修身伊周重教尊倫理堯禹保



寅明持國成寧

君幸 舜乾坤保弟覽昆

修身 明現 勲榮欽循持重尊倫

民 成

君父法修重 國 德式民勤愛弟舜夷

寅具津覽循禹榮 敬臣明身成欽持理心範寧

知

按公週文詩圖 八 二千六百餘首又著有圖

序圖釋及堯舜 周覽津 錄大意以心為主以乾

坤君臣為經 弟為緯以堯禹周伊夷舜覽津為範

以德勲 義 國民泰榮為事業以法型 循欽守

又明仙曲
重寧保勤持爲工夫然其圖必其詩
美難盡收茲刊一圖記而各圖名目
詩而列圖成文讀法可以類推

